



Agency for Development of Higher Education and Quality Assurance

Broj: 05-33-1-792- 23 /15

Datum: 12.12.2017. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09), imajući u vidu svrhu preporuke o akreditaciji da se osigura koherentnost i dosljednost tumačenja standarda i kriterija s obzirom da evaluacije provode različite grupe stručnjaka, u postupku akreditacije visokoškolske ustanove „**Američka škola za ekonomiju**“ **Sarajevo**, na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, Ministarstvu za obrazovanje, nauku i mlade Kantona Sarajevo, direktor Agencije daje:

P R E P O R U K U

da postupi u skladu sa mišljenjem Komisije stručnjaka i donese Rješenje o akreditaciji visokoškolske ustanove Visoka škola „**Američka škola za ekonomiju**“

O b r a z l o ž e n j e

Dana 22.10.2015. godine Agencija je zaprimila od Ministarstva za obrazovanje, nauku i mlade Kantona Sarajevo Prijedlog za imenovanje Komisije stručnjaka broj: 11-05-38-21985-3/15 od 06.10.2015.godine, kojim su predložena po tri člana Komisije stručnjaka za svaku kategoriju stručnjaka. Pregledom ostale zaprimljene dokumentacije dostavljene od strane nadležnog Ministarstva, utvrđeno je da nedostaje dokaz o nepostojanju sukoba interesa za predložene članove Komisije stručnjaka.

Dopisom broj: 05-33-1-792-2/15 od dana 03.11.2015.godine, Agencija je zatražila od nadležnog Ministarstva dopunu u smislu dostave nedostajućih dokaza o nepostojanju sukoba interesa za predložene članove Komisije stručnjaka, na koji nadležno Ministarstvo nije odgovorilo. Nakon toga je upućen novi dopis, broj: 05-33-1-792-3/15 od dana 23.11.2015.godine u kojem se nadležno Ministarstvo podsjeća na ranije upućeni dopis, a sve to kako bi se moglo nastaviti sa aktivnostima u postupku akreditacije predmetne visokoškolske ustanove.

Dana 28.11.2016.godine u Agenciji je zaprimljen akt nadležnog Ministarstva sa novim Prijedlogom sastava Komisije stručnjaka i izjavama o nepostojanju sukoba interesa za predložene stručnjake broj: 11-05-38-21985-5/16 od dana 21.11.2016.godine. U predmetnom aktu je navedeno da su predstavnici „Američke škole za ekonomiju“, obavijestili Ministarstvo da bi stručnjaci predloženi u Prijedlogu broj: 11-05-38-21985-3/15 od 06.10.2015.godine *mogli biti u sukobu interesa sa Visokom školom „Američka škola za ekonomiju“*, te da je Ministarstvo, shodno tome, dostavilo Agenciji novi prijedlog sastava Komisije stručnjaka za provođenje postupka institucionalne akreditacije predmetne visokoškolske ustanove. U vezi sa naprijed navedenim, Agencija je dana 29.11.2016.godine dopisom broj: 05-33-1-792-5/15 podsjetila nadležno Ministarstvo na dopise Agencije iz 2015.godine, na koje nikada nije odgovoreno od strane Ministarstva. Pomenutim dopisom je tražena dostava originalnog očitovanja predmetne visokoškolske ustanove na postojanje ili nepostojanje sukoba interesa za novopredložene članove Komisije stručnjaka, na šta je Ministarstvo odgovorilo aktom broj: 11-05-38-21985-6/16 od dana 08.12.2016.godine u čijem prilogu je dostavljen originalni akt visokoškolske ustanove kojim se predmetna visokoškolska ustanova očituje o nepostojanju sukoba interesa na novopredložene članove Komisije stručnjaka. Detaljnom analizom dostavljenog prijedloga sastava Komisije stručnjaka je utvrđeno da se jedan od predloženih stručnjaka nalazi na spisku članova nastavnog osoblja osnivača predmetne visokoškolske ustanove, o čemu je Agencija pismeno obavjestila Ministarstvo dopisom broj: 05-33-1-792-7/15 od dana 05.01.2017.godine. Na pomenuti dopis nadležno Ministarstvo je odgovorilo Izjašnjenjem, broj: 11-05-38-21985-7/15 od dana 12.01.2017.godine, u kojem između ostalog izražava očekivanje da će Agencija nastaviti sa aktivnostima u cilju zaštite javnog interesa, a prije svega u skladu sa internim aktima Agencije.

Agencija je u skladu sa članom 4. stav 1. Instrukcije o imenovanju komisije stručnjaka za akreditaciju visokoškolskih ustanova, svim predloženim stručnjacima dostavila obrazac Izjave o nepostojanju sukoba interesa, sa rokom od sedam dana za dostavu popunjenog obrasca, kako bi se u zakonskom roku moglo izvršiti imenovanje komisije stručnjaka. Agencija je u skladu sa članom 49. alineja 4) Okvirnog zakona o visokom obrazovanju u Bosni i Hercegovini, imenovala Komisiju stručnjaka Rješenjem broj: 05-33-1-792-9/15 od dana 07.02.2017.godine u sljedećem sastavu:

1. Almira Hadžović-Džuvo, *predstavnik akademske zajednice u Bosni i Hercegovini, predsjednica Komisije stručnjaka,*
2. Fethi Silajdžić, *predstavnik privrede i prakse u Bosni i Hercegovini, član*
3. Saša Milić, *međunarodni stručnjak, član i*
4. Emina Džaferović, *student, član.*

Posjeta Komisije stručnjaka predmetnoj visokoškolskoj ustanovi obavljena je 23. i 24. marta 2017.godine. Dana 13.09.2017.godine Agenciji je od predsjednice Komisije stručnjaka dostavljen Izvještaj Komisije stručnjaka o eksternoj evaluaciji visokoškolske ustanove „Američka škola za ekonomiju“, protokolisan pod brojem 05-33-1-792-

12/15. U Izvještaju komisije stručnjaka data je analiza, ocjena i revizija kvaliteta ove visokoškolske ustanove, te dato mišljenje Komisije da se akreditira visokoškolska ustanova „**Američka škola za ekonomiju**“ Sarajevo.

Uvidom u Izvještaj Komisije stručnjaka utvrđena je:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini i engleskom jeziku, te da je u skladu sa Odlukom o normama kojima se utvrđuju minimalni standardi u području visokog obrazovanja u Bosni i Hercegovini

U skladu s Odlukom o normama kojima se utvrđuju minimalni standardi u području visokog obrazovanja u Bosni i Hercegovini, Komisija je ocijenila ispunjenost devet kriterija za akreditaciju ocjenama, kako slijedi:

- a) Razvoj i strategija visokoškolske ustanove: znatno ispunjen
- b) Upravljanje, unutrašnje osiguranje kvaliteta i kultura kvaliteta: znatno ispunjen
- c) Procedure za osiguranje kvaliteta studijskih programa: znatno ispunjen
- d) Procedure za ocjenjivanje studenata: potpuno ispunjen
- e) Ljudski resursi: znatno ispunjen
- f) Kvalitet fizičkih resursa: znatno ispunjen
- g) Informacioni sistemi: potpuno ispunjen
- h) Prezentacija informacija za javnost: znatno ispunjen
- i) Međunarodna saradnja: znatno ispunjen

Agencija je dana 29.09.2017.godine uputila predsjednici Komisije stručnjaka Zahtjev za dopunom i pojašnjenjem Izvještaja, protokolisan pod brojem 05-33-1-792-14/15. Od Komisije stručnjaka je traženo da detaljno pregleda Izvještaj Komisije stručnjaka, te ispravi činjenične greške kao i da izvrši dopunu opisa ispunjenosti određenih kriterija. Dopunjen Izvještaj Komisije stručnjaka dostavljen je Agenciji dana 16.10.2017.godine i protokolisan pod brojem 05-33-1-792-15/15. Uvidom u dostavljen Izvještaj konstatovano je da isti nije potpisan od strane Komisije stručnjaka, te je po zahtjevu Agencije, broj: 05-33-1-792-20/15 od 28.11.2017.godine, Komisija stručnjaka dostavila Agenciji potpisane Izvještaje na bosanskom i engleskom jeziku, u elektronskoj i štampanoj verziji putem maila, 08.12.2017.godine, te putem pošte 11.12.2017.godine, protokolisani pod brojem: 05-33-1-792-21/15.

Uzimajući u obzir složenost i obimnost preporuka za unapređenje koje je dala Komisija stručnjaka, kao i obaveze visokoškolske ustanove koje su proizašle iz preporuka Komisije stručnjaka, Agencija na osnovu člana 49. alineja 5) Okvirnog zakona o visokom obrazovanju u Bosni i Hercegovini daje preporuku Ministarstvu za obrazovanje, nauku i mlade Kantona Sarajevo da izda Rješenje o akreditaciji visokoškolske ustanove „**Američka škola za ekonomiju**“, te isto dostavi Agenciji radi


postupka ocjene usklađenosti Rješenja o akreditaciji s normama i kriterijima iz člana 48. alineja 1) Okvirnog zakona o visokom obrazovanju u Bosni i Hercegovini.

Po prijemu Rješenja o akreditaciji visokoškolska ustanova treba detaljno analizirati preporuke Komisije stručnjaka i izraditi akcioni plan u skladu sa Pravilnikom o postupku akreditacije visokoškolskih ustanova i studijskih programa Kantona Sarajevo i Odlukom o normama kojima se utvrđuju minimalni standardi u području visokog obrazovanja u Bosni i Hercegovini. Akcioni plan treba da obuhvata:

- imenovane odgovorne osobe za pisanje, provođenje i praćenje realizacije Akcionog plana sa jasno definisanim odgovornostima;
- vremenski okvir za realizaciju preporuka, kao i potrebne finansijske i ljudske resurse i
- definisane mjerljive indikatore za praćenje realizacije Akcionog plana.

Akcioni plan se objavljuje na internet stranici visokoškolske ustanove i dostavlja nadležnoj obrazovnoj vlasti i Agenciji u roku o tri mjeseca.

S poštovanjem,



Direktor

Prof. dr. Enver Halilović

Prilog:

- Fotokopija Izvještaja Komisije stručnjaka na engleskom i bosanskom jeziku

Dostaviti:

- Ministarstvo za obrazovanje, nauku i mlade Kantona Sarajevo
- Visoka škola „Američka škola za ekonomiju“
- Sektor 05
- a/a